



Loz Yinghvaz:Dah Nyez Boux-cuengh Gyaep Moengh He

追梦的壮家女孩罗樱华

武鸣县太平镇庆乐小学 刘艳欢

2002 nienz 9 nyied 8 hauh, Loz Yinghvaz seng youq Vujmingz Yen Daibingz Cin Vwnzdanz Cunh Mbanjdilingz ranz boux guh reihnaz he. De daj iq couh gyaep ciengq gyaep diuq, mwh roek bi seiz, yienz naeuz ndaw ranz mbouj fouqmiz, hoeng meh de ngoenz naengz hai dienhdanci soemh fwn soemh rumz soengq de daengz yienhsingz lienh diuqfoux. Mwh roek bi buenq, de hauej Gingloz Siujyoz doegsaw, youq hagdangz, de hag Sawgun hix hag Sawcuengh, gaenx hag dangqmaz.

2008 nienz, Gingloz Siujyoz laebbaenz "Lwg Gingloz" Yisuzdonz, ndaw bi neix, yisuzdonz daibyauij Daibingz Cin camgya Vujmingz Yen Hawfwen "Sam Nyied Sam" Doxdax aeundaej mingz daih' it, okmingz lo. Loz Yinghvaz dwg boux cawjciengq, sawqmwh miz haujlai vunz roxnaj de. 2012 nienz yisuzdonz ndaej iu camgya Nanzningz Gozci Minzgoh Yisuzceez biujyienj.

Loz Yinghvaz yied hag yied siengj hag, de youh baiq canghfwen Vujmingz Vangz Genhungz, vwnz-va gvanj nyuenz gvanjcangj Vangz

Denhwhngz, fwenvuengz Bouxcuengh Mungz Suijswngh guh lauxsae. Ndaej gyoengqde son le, Loz Yinghvaz engq ak lo, de dang le "Lwg Gingloz" Yisuzdonz donzcangj. Gvaqlaeng, de caeuq caezgya doengzcaez okrengz, yisuzdonz aeundaej haujlai ciengj: 2012 nienz MTV 《Angq Daengz Seiqgyaiq Gak Dieg Bae》 aeundaej Gaiq Daihgouj Daengx Guek Cungh Siujyoz Hagdangz Yingjsi Cozbinj Ndei Bingzbeij gimciengj; 2012 nienz camgya Daengx Gih Siujhagseng Byauhcuinjyij Caizyi Biujyienjsai 《Daengngoeng Benz Hwnj Bya》 au ndaej it daengj ciengj……

De yied maj yied hung, engq gyaep vwnzva Bouxcuengh lo, Sawcuengh hix yied hag yied ndei, gij cozvwnz de au Sawcuengh sij haenx ndaej daeng youq Gvangsiah Minzcuz Bau; 2011 nienz bien cozvwnz 《Aen Ciet Vaiqvued》 aeundaej Daengx Gih Sawcuengh Cozvwnz Doxdax ngeih daengj ciengj; 2011 nienz aeundaej Daengx Gih Siujhagseng Vahcuengh Gangj Gojgaeq Doxdax it daengj ciengj……

Youq ndaw hagsib, Loz Yinghvaz

gak monz goq cingzciak cungj ndei, de daibyauij hagdangz camgya Yinghyij, Sawgun gak cungj doxdax haujlai baez cungj au ndaej ciengj. De lij lai baez ndaej bingz guh Nanzningz Si "sam ndei hagseng" caeuq youhsiu sausenhduiyenz.

Yienz naeuz au ndaej gak cungj gak yiengh ciengj, hoeng Loz Yinghvaz lij dwg giemhaw roxsoq, gingqgyaep lauxsae, caeuq doengzhag doxndei. De simndat simndei, doengz-hag hagsib bungzdaengz gunnanz, de cungj haengj bang. De lij dang banhgan, hagdangz sausenhdui daduicangj dem, yienz naeuz nyaengq, hoeng de guh hong hagsib cungj anbaiz ndaej ndeiliti.

"Gou dwg lwg Bouxcuengh, gou siengj swnjcienz vwnzva ndei Boux-cuengh raeuz, hawj engq lai vunz daeuj ciengq fwen raeuz, roxnaj vwnzva Bouxcuengh raeuz miz yinx, hawj vwnzva raeuz ndaej daih cienz daih cienz roengzbae!" De yenjyangj seiz baenzneix gangj, sim de caen dwg baenzneix siengj. Seizneix, dah sau iq Bouxcuengh neix cingq haenqrengz bae gyaep aen moenghsienj de.

Ranz Gou Mbaet Raemx Mbaet Dienh……

节能降耗在我家

武鸣县锣圩镇英圩小学三年级 农慧旗



Digiuz dwg meh raeuz, de sengmaj gij gwn gij yungh hawj raeuz, hawj raeuz ndaej ciengx mingh. Raeuz cij miz aen digiuz ndeu, hoeng raeuz mbouj rox insik, lij seizbient buqvaih de. Lumjbaenz luenh raemj faex, baiz raemx uq hei q doeg……

Gaenx geij bi daeuj, digiuz cugciemh bienq raeuj, daengx seiqgyaiq vunz cungj gvnsim aen vwndiz neix. Dihdan swnghhoz baenz cungj swnghhoz fuengsik seizneix sevei gig seizhwng ndeu, de lumj raq rumz hung ndeu ci hauej moix gya moix hoh. Ranz gou gig ganj seizhwng, ngoenz naengz sawjyung raemx dien daengj cungj mbaet lo. Gou roxyiuj, ndiepgyaep digiuz daxmeh au daj saeh iq henz ndang guh hwnj.

Gou geiq ndaej youq seizzah, dienheiq ndat lumj lozfeiz, gwnz dieg lumj feiz coemh, gou caeuq daxboh daxmeh ndoj youq ndaw ranz hai gunghdiuz, daxboh dawz vaendoh diuz daengz 24 doh, gou naeuz: "Boh, gven gunghdiuz ba, miz denfunghsan couh

ndaej lo." Daxboh haenx naeuz: "Mwngz caen dwg boux lwggez rox mbaetyungh ndeu." Daj neix hwnj, ranz gou couh gig mbaet dien lo.

Lij miz baez ndeu, gou yawjraen daxboh hwnj cong le, couh naeuz: "Boh, raeuz ngoenzneix bae baihrog gwn hauxromh ndei lwi?" Daxboh naeuz: "Ndei, neix raeuz yaek hai ci bae roxnaeuz byaij bae?" Gou naeuz: "Byaij bae ba, yienghneix ndaej yawj funggingj hix ndaej lienh ndangdaej, eng youqgaenj dwg mbouj sai giyouz baiz hei q uq." Daxboh riunyumnyum ngaek gyauej naeuz: "Lwg gou caen roxsoq lai lo!"

Mbat ndeu meh gou cat haux le yaek boek gij raemxhaux deuz, gou gipmuengz rag fwngz de naeuz: "Meh, bat raemx neix au daeuj rwed va ba! Caiq naeuz raemx cat haux lij miz yingzyangj ne!" Daxmeh riu naeuz: "Lij dwg lwg gou gvai ha." Daj seiz haenx hwnj ranz gou raemx cat haux cungj louz roengzdaej.

Caiq miz mbat ndeu, gou yawj

raen daxbuz dumq gyaeqgaeq, raemx goenj mbouj nanz couh gven feiz lo, gou geizheih cam naeuz: "Daxbuz, gyaeqgaeq caengz cug, mwngz vihmaz gven feiz?" Daxbuz naeuz: "Gyaeqgaeq caet faen cug youq ndaw raemx goenj oemq song faen cung couh ndaej lo. Yienghneix cawj gyaeqgaeq youh noix feiz youh ndeigwn." Buz gou caen mbouj loek!

Miz ngoenz ndeu, ranz gou hai aen hoih ndeu, cujau lwnh baenzlawz mbaet yungh nwnzyenz, caezgya cunggez ndaej haujlai banhfap ndei, lumj: (1) ndaw ranz au vuenh ceznwngz dwnghbau; (2) baedauq byaij roen caenhliengh mbouj hai ci; (3) aen ci baujeiz lwnzdaih giyaz habngamj, aenvih giyaz noix coemh giyouz lai; (4) noix yungh ceij, noix yungh gij dawh cij sawj baez ndeu haenx; (5) raemx swiq din swiq naj mbouj yungh cawj goenj, noix sai feiz; (6) dep congheucung sij cozyez mbouj yungh hai daeng; (7) mbaet yungh ceij, sij cih suenq soq au song mienh sij

caez; (8) buhvaq daenj dinj le louz hawj nuengx roxnaeuz soengq vunz……

"Yienghneix cij dwg dihdan swnghhoz." Daxmeh naeuz. Daxmeh dawz gij fuengfap baihgwnz dajyaenq okdaej, naeuz mbatlaeng raeuz couh ciuq yienghneix bae guh.

Couh yienghneix raeuz daengx ranz bouxlaux bouxcoz cungj byaij hauej ndaw dihdan swnghhoz lo.

Dihdan swnghhoz dwg cungj daidu ndeu, raeuz wnggai daj noix yungh dien, noix yungh raemx, noix yungh youz, noix yungh hei q daengj gij saeh iq neix guh hwnj, caemhcai guh gvenq roengzbae.

Dihdan gvenlien daengz haujlai doxgaiq, dihdan swnghhoz gojyij mbaet haujlai naengzyenz, hix ndaej gouq daxmeh raeuz——digiuz.

Gyoengq doengzhag, hawj raeuz bouxboux hengzdoengh hwnjdaej, fwngz iq rag fwngz hung, doengz caux cezyozhingz sevei!

(指导教师 班珠莲)